

საქართველოს იუსტიციის სამინისტროს
საჯარო სამართლის იურიდიული პირი
საქართველოს ეროვნული არქივი



სატენდერო დოკუმენტაცია

სამშენებლო სამუშაოების ზედამხედველობის შესყიდვა გამარტივებული
ელექტრონული ტენდერის საშუალებით

(დაფინანსების წყარო – სახელმწიფო ბიუჯეტი)

(CPV – 71200000)

2013 წ.

ქ. თბილისი

1. ტექნიკური დოკუმენტაცია

1.1 ანგარიშსწორების პირობები:

1.1.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული გასაწევი მომსახურების მიწოდებასთან დაკავშირებული ყველა გადასახადის გათვალისწინებით;

1.1.2 ანგარიშსწორება უნადლო ანგარიშსწორებით ლარებში;

1.1.3 ანგარიშსწორება მოხდება მიღება-ჩაბარების აქტის გაფორმებიდან 30 დღის განმავლობაში;

1.1.4 საავანსო ანგარიშსწორება არ გამოიყენება.

1.2 შესყიდვის ობიექტი და ტექნიკური დავალება:

შესყიდვის ობიექტი

შესყიდვის ობიექტს წარმოადგენს: სსიპ საქართველოს ეროვნული არქივის მიერ ჩატარებული შემდეგი ტენდერები:

1) ოზურგეთის ადგილობრივი არქივის სარეაბილიტაციო სამუშაოების შესყიდვის მიზნით ჩატარებული ელ. ტენდერი (SPA130009406);

2) ქ. თბილისის ცენტრალური არქივის საცავებისა და ღობის მოწყობის სამუშაოების სამუშაოების შესყიდვის მიზნით ჩატარებული ელ. ტენდერი (SPA130010338);

3) ეროვნული არქივის უახლესი ისტორიის, ცენტრალური და კინოფოტოფონოდოკუმენტების არქივების შენობების ფასადებისა და გადახურვის სარემონტო სამუშაოების შესყიდვის მიზნით ჩატარებული ელ. ტენდერი (SPA130013371 - მიმდინარე) ;

4) ეროვნული არქივის საისტორიო არქივის კიბის უჯრედის სარემონტო სამუშაოების შესყიდვის მიზნით ჩატარებული ელ. ტენდერი (SPA130013373 - მიმდინარე);

დეტალური ინფორმაცია რომელიც ეხება შენობის სარემონტო-სარეაბილიტაციო სამუშაოების მოცულობებს, ვადებს, საპროექტო დოკუმენტაციას და მშენებლობის სავარაუდო ღირებულებას, შეგიძლიათ იხილოთ შემდეგ ელექტრონულ მისამართზე: <https://tenders.procurement.gov.ge/public/?go=79131&lang=ge>

ტექნიკური დავალება

პრედენდენტი ვალდებულია აწარმოოს შემდეგი სახის სამუშაოები:

- სამშენებლო ობიექტზე შესაბამისი განათლების, კვალიფიკაციისა და სამუშაო გამოცდილების მქონე პერსონალის (ტექ.ხელმძღვანელების) მივლინება, რომელთა ვინაობა წინასწარ უნდა შეთანხმდეს შემსყიდველთან;

- კონტროლი საპროექტო გადაწყვეტილებების დაცვაზე, ნორმატიული დოკუმენტების მოთხოვნებზე;

- შესრულებული სამშენებლო სამუშაოების, გამოყენებული კონსტრუქციების, ნაკეთობებისა და მასალების საპროექტო გადაწყვეტასთან, სამშენებლო ნორმებისა და წესების მოთხოვნებთან, სტანდარტებთან, ტექნიკურ პირობებსა და სხვა ნორმატიულ დოკუმენტაციასთან შესაბამისობის კონტროლი;

- საპროექტო დოკუმენტაციაში გამოვლენილი დეფექტების აღმოფხვრისათვის საკითხის დროულად დაყენება და შესრულებაზე კონტროლი;

- მშენებლობაზე გამოყენებული კონსტრუქციების, ნაკეთობებისა და მასალების ტექნიკური პასპორტების, სერთიფიკატების, საჭიროების შემთხვევაში ლაბორატორიული შემოწმების შედეგებისა და ხარისხის დამადასტურებელი სხვა დოკუმენტების არსებობის შემოწმება, ასევე საჭიროების შემთხვევაში ლაბორატორიული შემოწმების ჩატარება;

- მონაწილეობა სამშენებლო კონტროლსა და მშენებლობის ცალკეული ეტაპის სამშენებლო სამუშაოთა ხარისხის შემოწმება-შეფასებაში და პროექტთან შესაბამისობის დადგენაში;

- პირველადი სამშენებლო ტექნიკური დოკუმენტაციის წარმოებაზე კონტროლი და სამშენებლო სამუშაოების წარმოებისას ნაკლოვანებებისა და დეფექტების გამოვლენის შემთხვევაში აღმოფხვრისათვის ღონისძიებების გატარება და საჭიროების შემთხვევაში მასში ცვლილებების შეტანაზე საკითხის დაყენება;

- კონტროლი სამშენებლო ორგანიზაციის მიერ სახელმწიფო მაკონტროლებელი ორგანოების მითითებების მიწერილობების, აგრეთვე ტექნიკური ზედამხედველობის იმ მოთხოვნათა შესრულებაზე, რომლებიც მიეკუთვნება სამშენებლო სამუშაოების ხარისხს, გამოყენებულ კონსტრუქციებს, ნაკეთობებს და მასალებს;
- მონაწილეობა ცალკეული სამშენებლო სამუშაოების ხარისხზე და საპროექტო მონაცემთა შესაბამისობაზე ჩატარებულ შემოწმებებში;
- ეზოსა და მიმდებარე ტერიტორიის კეთილმოწყობის სამუშაოების ტექნიკური ზედამხედველობა;
- შესრულებული სამუშაოების ეტაპის ან მთლიანი შესრულების დამოწმება (ფორმა 2) და მიღება ჩაბარების აქტის მომზადება, ასევე შემსყიდველზე დაფინანსების წინადადების წარდგენა;
- კონტროლი შემსრულებლის მიერ გამოყენებული მასალების და კონსტრუქციების შენახვის ნორმებთან შესაბამისობაზე;
- სამუშაოების შესრულების სახელშეკრულებო ვადებთან და გეგმა-გრაფიკთან შესაბამისობის კონტროლი;
- საჭიროების შემთხვევაში პროექტსა და ხელშეკრულებაში ცვლილების შეტანის მიზანშეწონილობისა და აუცილებლობის შესახებ შემსყიდველ მხარეზე არგუმენტირებული წინადადებების წარდგენა;
- შემსრულებლის მიერ ხელშეკრულების პირობების არაჯეროვანი და უხარისხო შესრულების, ხარვეზების და დეფექტების (ასეთის არსებობის შემთხვევაში) არ აღმოფხვრის ან ვადების დარღვევის შემთხვევაში მისი დაჯარიმების საკითხის დაყენებას და შესაბამისი დოკუმენტაციის (დაჯარიმების აქტი) შედგენა. საჭიროების შემთხვევაში ხელშეკრულების შეწყვეტის საკითხის დაყენება;
- მშენებლობის, სარემონტო სამუშაოების პროცესში მიმდინარეობის შესახებ შემსყიდველისათვის სისტემატიური ინფორმაციის მიწოდება წერილობითი ფორმით, სამუშაოთა შეჩერების ან შეფერხების წარმოქმნისთანავე გადაუდებელი აუცილებლობის შემთხვევაში შემსყიდველზე ზეპირი ან/და წერილობითი ინფორმაციის მიწოდება დაუყოვნებლივ;
- სამუშაოების დასრულების შემდეგ შემსყიდველისათვის პროექტის შესრულების შესახებ საერთო ანგარიშის (დასურათებული, ელექტრონული და ბეჭდური ფორმით) წარდგენა.
- ბეტონის სამუშაოების მიღება, ბეტონისა და რკინაბეტონის კონსტრუქციების მიღებისას საჭიროების ან/და შემსყიდველის მოთხოვნის შემთხვევაში უნდა იქნას შემოწმებული:
- კონსტრუქციების შესაბამისობა მუშა ნახაზებთან;
- მათი განლაგების სისწორე გეგმაში და სიმაღლეში;
- ბეტონის ხარისხის სიმტკიცე ლაბორატორიული შემოწმებით;
- ბეტონის ხარისხის ყინვაგამძლეობა;
- ბეტონის ხარისხის წყალშეღწევადობა;
- საჭიროების შემთხვევაში სხვა პარამეტრების დადგენა;
- ნახევრეტების, დეფორმაციული ნაკერების, აგრეთვე ჩასაყოლებელი ნაწილების და სხვათა შესაბამისობა პროექტთან;
- კონსტრუქციებში გამოყენებული მასალების, ნახევარფაბრიკატების და ნაკეთობის ხარისხი.
- შესრულებული ბეტონის და რკინაბეტონის კონსტრუქციების გადახრები ზომებში და მდებარეობაში არ უნდა აღემატებოდეს ნორმატივებით დაშვებულ გადახრებს.

შენიშვნა: არქივის სპეციფიკიდან გამომდინარე, ზემოთ მოყვანილი აუცილებელი ტექნიკური მოთხოვნების გარდა, აუცილებელია მიმწოდებელი ადგილზე გაეცნოს ყველა დეტალს არქივის დირექტორთან და სამეურნეო სამსახურთან შეთანხმებით.

- შესყიდვის სავარაუდო ღირებულება: 5000(ხუთი ათასი) ლარი.

- დაფინანსების წყარო: სახელმწიფო ბიუჯეტი.

1.3 მომსახურების გაწევის ვადები და პირობები:

- მომსახურების გაწევა უნდა განხორციელდეს ხელშეკრულების გაფორმების შემდგომ, სამშენებლო ობიექტებზე, სარემონტო-სარეაბილიტაციო სამუშაოების დასრულებამდე და დამოუკიდებელი ექსპერტის (სსიპ „ლევან სამხარაულის სახელობის სასამართლო ექსპერტიზის ეროვნული ბიურო“) დადებითი დასკვნის საფუძველზე.

1.4. პრეტენდენტის მიერ სისტემაში ასატვირთი მონაცემები:

1.4.1 რეკვიზიტები (დანართი 1);

1.4.2 სატენდერო წინადადების/მომსახურების საერთო ფასი;

1.4.3 ინფორმაცია გასაწევი მომსახურების ვადებისა და პირობების შესახებ (1.3 მიხედვით);

1.4.4 ინფორმაცია ანალოგიური გამოცდილების შესახებ (ატვირთული უნდა იყოს მინიმუმ 3-3 გაფორმებული ხელშეკრულება როგორც მის მიერ გაწეული ზედამხედველობის, ასევე იმ სარემონტო-სამშენებლო სამუშაოების

შესყიდვაზე, რომლის ზედამხედველობა გაწეული აქვს პრეტენდენტს, თითოეული სარემონტო-სამშენებლო სამუშაოების შესყიდვის ხელშეკრულება უნდა იყოს არანაკლებ 30000 ლარის ღირებულების.)

1.4.5. ინფორმაცია ტექნიკური დავალების შესახებ (1.2 მიხედვით);

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია შემდეგი საკონტაქტო პირებისგან: **ნინო განჯელაშვილი ტელ +99532 238-14-25, გიორგი ასკურავა 577-340-577 ქ.თბილისი, ვაჟა ფშაველას №1.**

2. ხელშეკრულების პროექტი სახელმწიფო შესყიდვების შესახებ ხელშეკრულების პროექტი

სახელმწიფო შესყიდვების შესახებ ხელშეკრულების პროექტი წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულება ცპ №
სახელმწიფო შესყიდვის შესახებ
(გამარტივებული ელექტრონული ტენდერი)
(CPV 71200000)

ქ. თბილისი

„—“ „—————“ 2013 წ.

საქართველოს ეროვნული არქივი (მისამართი: ქ. თბილისი, ვაჟა ფშაველას №1 ტელეფონი: 238-14-25, საბანკო რეკვიზიტები: ანგ. №200122900 სახელმწიფო ხაზინა, კოდი: 220101222, სკ-211358957), შემდგომში წოდებული „შემსყიდველად“, წარმოდგენილი გენერალური დირექტორის მოადგილის სოფიო ლონდარიძის სახით და — (მისამართი: — ტელეფონი: —, საბანკო რეკვიზიტები: ანგ. —, — კოდი: —, სკ —) შემდგომში წოდებული „მიმწოდებლად“, წარმოდგენილი მისი დირექტორის — სახით, ორივე ერთად წოდებული როგორც „მხარეები“, ემოქმედებთ, რა საქართველოს კანონმდებლობის, მათ შორის „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6 „მომსახურება“ – წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი სამშენებლო სამუშაოების ზედამხედველობის შესყიდვა (CPV კოდი -71200000).

3. ხელშეკრულების ღირებულება

- 3.1 ხელშეკრულების ღირებულება შეადგენს (.....) ლარს.
- 3.2 ხელშეკრულების ღირებულება მოიცავს როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3 ფასის ცვლილების შემთხვევაში მიმწოდებელი ვალდებულია აღნიშნულის შესახებ აცნობოს წერილობით შემსყიდველს, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

4. მხარეთა ვალდებულებები

4.1 მიმწოდებელი ვალდებულია:

4.1.1 უზრუნველყოს მომსახურების გაწევა -----

4.1.2 უზრუნველყოს წინამდებარე ხელშეკრულებით გათვალისწინებული მომსახურების გაწევა.

4.1.3 განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;

4.1.4 განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

ა) უზრუნველყოს ხელშეკრულების შესრულების კონტროლი;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ხელშეკრულების შესრულების კონტროლი

5.1 შემსყიდველის მიერ ხელშეკრულების შესრულების კონტროლი განხორციელდება პერიოდულად როგორც მომსახურების გაწევის დროს, ისე ამ ხელშეკრულების მოქმედების პერიოდში შემსყიდველის მოთხოვნათა შესაბამისად.

5.2 ხელშეკრულების ინსპექტირებას განახორციელებს -----

5.3 შემსყიდველის შესაბამისი წარმომადგენელი უფლებამოსილია ჩაატაროს ხარისხის კონტროლი და თუ აღმოჩნდება წუნდებული ხარისხის მომსახურება ვალდებულია წერილობითი შეტყობინებიდან 2 (ორი) დღეში გამოასწოროს წუნი, იმ შემთხვევაში თუ წუნის გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება დაუბრუნოს შემსყიდველს აღნიშნული წუნდებული მომსახურების ღირებულება.

6. მომსახურების მიღება-ჩაბარების წესი

6.1. მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.

6.2. შემსყიდველის მხრიდან მიღება-ჩაბარებაზე ხელს აწერს -----

7. ანგარიშსწორება

7.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

7.2 შემსყიდველი იღებს ვალდებულებას გადაუხადოს მიმწოდებელს გაწეული მომსახურების ღირებულება მიღება-ჩაბარების აქტის გაფორმებიდან და სპეციალური საგადასახადო ანგარიშ-ფაქტურის წარმოდგენიდან 30 (ოცდაათი) დღის განმავლობაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

8. ხელშეკრულების შესრულების შეფერხება

8.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

8.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-9 მუხლის შესაბამისად.

9. ხელშეკრულების პირობების შეუსრულებლობა

9.1 ფორს-მაჟორული პირობების გარდა, 4.1 პუნქტით ხელშეკრულებით ნაკისრი სხვა ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, - ყოველ ვადაგადაცილებულ დღეზე ხელშეკრულების ღირებულების 0.07%-ის ოდენობით, ხოლო

თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შესასრულებელი ნაწილის 0.07%-ს. მხარის მიერ პირგასამტეხლოს გადახდა უნდა მოხდეს შესაბამისი წერილობითი შეტყობინებიდან არაუგვიანეს 5 (ხუთი) სამუშაო დღისა. მიმწოდებლისათვის დაკისრებული პირგასამტეხლოს გადახდა შესაძლებელია განხორციელდეს აგრეთვე მიმწოდებლისათვის ასანაზღაურებელი თანხიდან გამოქვითვის გზით.

9.2 შემსყიდველის მხრიდან, ანაზღაურების ვადების გადაცილების შემთხვევაში შემსყიდველს ეკისრება პირგასამტეხლო ყოველ გადაგადაცილებულ დღეზე გადაუხდელი თანხის 0,07 %-ის ოდენობით.

9.3 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს ცალმხრივად შეწყვიტოს ხელშეკრულება.

9.4 პირგასამტეხლოს გადახდა არ ათავისუფლებს მხარეებს ხელშეკრულებით ნაკისრი ძირითადი ვალდებულებების შესრულებისგან.

10. ხელშეკრულებაში ცვლილებების შეტანა

10.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლის ხელმოწერით.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. დავების გადაწყვეტა

11.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

11.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

12. ხელშეკრულების შეწყვეტა

12.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დარჩენილი პირობებით განსაზღვრული ვალდებულებების შესრულებისაგან.

12.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

13. ხელშეკრულების მოქმედების ვადა

13.1. წინამდებარე ხელშეკრულება ძალაში ხელშეკრულების გაფორმების თარიღიდან და მოქმედებს 2013 წლის 31 დეკემბრის ჩათვლით.

14. ფორს-მაჟორი

14.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

15. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი - შემსყიდველს.

16. რეკვიზიტები:

დანართი №1

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

- * ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;
- * უფლებამოსილი ვარ პრეტენდენტის მიერ, ხელი მოვაწერო ამ აფიდავითს და წარვადგინო ეს სატენდერო წინადადება;
- * ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;
- * ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;
- * მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:
 - სატენდერო წინადადების ფასი;
 - სატენდერო წინადადების ფასის გამოთვლის მეთოდი, კოეფიციენტი ან ფორმულა;
 - სატენდერო წინადადების წარდგენა ან წარდგენისგან თავის შეკავება;
 - ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
 - შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;
- * სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადებისგან საჯაროების მომენტამდე.



გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

თანხმობა

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.